

**Nd.**

**900. Breytingartillögur**

við frv. til 1. um almannatryggingar.

Flm.: Sigurður Thoroddsen.

1. Við 11. gr. Greinina skal orða svo:

Skipta skal landinu í tryggingaumdæmi eftir því, sem hagkvæmt þykir. Við skiptingu þessa skal, eftir því sem fært þykir, höfð hliðsjón af læknishéruðum og lögsagnarumdænum.

Í hverju tryggingaumdæmi skal starfa fimm manna trygginganefnd. Skulu fjórir nefndarmanna kosnir blutfallskosningu af sveitarstjórnunum umdæmisins á sameiginlegum fundi, er halda skal eftir hverjar sveitarstjórnarkosningar. Hinn fimmta skipar ráðherra að fenginni tillögu tryggingaráðs, og er hann formaður.

Kjósa skal og skipa jafnmarga varamenn. Kjörtímabil trygginganefnda er hið sama og sveitarstjórnuna. Ef sveitarfélagi er skipt milli tveggja eða fleiri tryggingaumdæma, tekur sveitarstjórn þess þátt í kosningu trygginganefndar í því umdæmi, þar sem flestir af íbúum sveitarfélagsins eru búsettir.

Hlutverk trygginganefnda er að sstarfrækja skrifstofur fyrir Tryggingastofnunina, þar sem þær eru, og annast rekstur trygginganna í viðkomandi umdæmi í umboði Tryggingastofnunarinnar. Enn fremur að gæta hagsmuna hinna tryggðu og benda á atriði, sem mættu verða til sparnaðar í rekstri trygginganna.

Tryggingaráð setur nefndum þessum nánari starfsreglur og ákveður þóknun til nefndarmanna, sem greiðist af Tryggingastofnuninni.

Í tryggingaumdænum, sem mynduð eru af fleiri en einu sveitarfélagi, hefur Tryggingastofnunin umboðsmenn eftir því, sem þörf krefur.

2. Við 15. gr.

a. Í stað kr. 1920.00 og 1440.00 komi: kr. 2400.00 og 1800.00.  
b. Í stað kr. 1200.00 og 900.00 komi: kr. 1500.00 og 1125.00.

3. Við 20. gr.

a. Í stað kr. 800.00 komi: kr. 1000.00.  
b. Í stað kr. 600.00 komi: kr. 750.00.

4. Við 35. gr. Greinin orðist svo:

Allar konur, sem verða ekkjur innan 67 ára aldurs, eiga rétt á bótum í 3 mánuði eftir lát eiginmanns þeirra, kr. 140.00 mánaðarlega.

Ekkja, yngri en 67 ára, sem við lát eiginmanns síns hefur á framfæri sínu börn innan 16 ára, sem greiddur er með barnalifeyrir skv. 23. gr., á rétt á ekkjubótum, unz börn þessi eru fullra 16 ára.

Ekkjubætur skulu vera sem hér segir:

Á 1. verðlagssvæði .....	kr. 750.00	á ári
- 2. ————— .....	— 565.00	—

Ef ekkja giftist, getur hún fengið greidda í eitt skipti fyrir öll fjárhæð, er svari til þriggja ára ekkjubóta, þó aldrei hærri en hún hefði fengið, ef hún hefði eigi gifzt aftur. Að öðru leyti falla ekkjubætur niður, er ekkja giftist aftur, og eftir atvikum einnig, ef hún býr með karlmanni án þess að vera gift honum.

Bætur samkvæmt 2. og 3. málsgr. þessarar greinar skulu og greiddar einstæðum mæðrum, sem fá greiddan barnalifeyri skv. 27.—29. gr.

Ef ekkjur eða einstæðar mæður, sem fá bætur samkv. 2. og 3. málsgr., eru vegna erfiðra heimilisástæðna algerlega hindraðar frá því að vinna fyrir sér, getur Tryggingastofnunin hækkað þessar bætur þeirra um allt að 100%.

5. Við 36. gr. Greinin orðist svo:

Tryggingaráði er heimilt, auk bóta skv. 1. mgr. 35. gr., að greiða þeim, sem verða ekkjur á aldrinum 50—67 ára og ekki hafa börn á framfæri sínu, árlegan lifeyri eftir þeim reglum, er hér segir:

Á 1. verðlagssvæði .....	kr. 1500.00	á ári
- 2. ————— .....	— 1125.00	—

Þessar upphæðir eru miðaðar við 67 ára aldur, en lækka um 6% fyrir hvert ár eða brot úr ári, sem vantar á, að ekkja sé 67 ára.

Ef ekkja, sem rétt á til bóta samkv. 2. og 3. mgr. 35. gr., mundi fá hærri lifeyri eftir ákvæðum þessarar gr., getur Tryggingastofnunin greitt henni þann mismun.

Bætur samkv. þessari grein eru því aðeins veittar, að Tryggingastofnunin telji þess þörf, að undangenginni rannsókn á fjárhag umsækjanda.

6. Við 38. gr.

- Í stað kr. 720.00 komi: kr. 750.00.
- Í stað kr. 540.00 komi: kr. 565.00.

7. Við 39. gr. Greinin falli niður.

8. Við 107. gr. Greinin orðist svo:

Iðgjöld skulu vera sem hér segir:

Á 1. verðlagssvæði.

Kvæntir karlar .....	kr. 120.00	á ári
Ókvæntir karlar .....	— 96.00	—
Ógiftar konur .....	— 72.00	—

Á 2. verðlagssvæði.

Kvæntir karlar .....	kr. 92.00	á ári
Ókvæntir karlar .....	— 72.00	—
Ógiftar konur .....	— 56.00	—

Auk þessara iðgjalda skulu einstaklingar og félög greiða sem iðgjöld hundraðshluta af tekjum sínum eins og hér segir:

a. Þeir, sem hafa minna en 25 þús. króna árstekjur, skulu greiða 1% af hreinum tekjum, að frátoldum persónufrádrætti, sem nemur 7000 krónum fyrir hjón, 4000 krónum fyrir einstakling og 3000 krónum fyrir barn.

b. Þeir, sem hafa í árstekjur 25 þús. krónur eða meira, skulu greiða af 25 þús. krónum eins og segir í a-lið, en 2% af hreinum tekjum umfram 25 þús. krónur.

9. Við ákvæði til bráðabirgða.

Við 2. tölulið bætist: Vísitöluhækkun kemur þó ekki á hundraðsgjaldið samkv. 107. gr.